

Filemoon rai Faborohacha letoai

Acaauru coaucane biha Faborone

¹ Canune Faboroneein Jesocurisito coreniha caresero cuhane neein cana nejera Timoteeo aina, ii canacaanu amihaneeo que canacaanu coroatajaneraneein neeine rai, caa quiricha laenaain letoaacaanura Filemoon.

² Chaen Jesocurisito ranojoineein iclesianeein nenacaauru- ii loreri asaae ii aina netaojianacaauru, chaen canacaanu amihaneeo que canacaanu coroatajaneraneein nenacaaurucana nejera ene neein nena- Apia aina Arquipo, naaonjoainuri rai netonaine caa laenaain letoaacaanu.

³ Cana Inaca Cana Coaunera, rai Calaohi Jesocurisito, naaonjoainuri jeelai amuritoeriin inara coroatajanecurumiinte raotojoeein neeiche.

Coichana aina cutaain belaina inaain esenetaain niha Filemoonne

⁴ Cana Coaunera bahaanune naineeine, itolere bana ii coacuhin Cana Coaunera coroajeeun,

⁵ Cana Curuaanaa Jesocurisito belaain jataain esenetaaine rijijieein satiin Cana Coaunera cacha-neein nenacaauru belaaine beeuruhan jaun.

⁶ Nii jaunne ii canacaanu rijijieein acaacha esenetaain neeine jaun, jataain canacaanu rai

caohacha icharaneein, canacaanu coroatajan-eraneein niha Jesocurisitone coitucuhin neeine coina, Cana Coaunera bajaaun ii rai.

⁷ Jataaina jeelai amuritoheriin corajeein rachoojoeen casuujuu cuhane. Jataainte caohacha ichaai canejera, Jesocurisito esenetaeraneein nenacaauru belaain, acaauru suujua nunaaine jaun.

Atiin canu coreniha ii letono Onesimo rauu.

⁸ Canu Jesocurisito rai afosoto nichaaunne jaunte niqui ne canu rai rauhi, iicha chanenu ichaaine coina ii letoaanune coina.

⁹ Nena raujiaain nii canaacha belaaineein canaacha esenetai coreniha ichei aitoreeunni. Canuna Faboroneein- inae biinaaneein-Jesocurisito coreniha caresero cuhane netiin ichei aitoon,

¹⁰ cau cajinichaain caresero cuhane neein, Jesocurisito coreniha cacalabi rijijieein nenaas Onesimo belaaine coina.

¹¹ Jauriaalute niqui ichei chaque nelatelaanaala, ii letononeein nelu Onesimo. Nete laen inae ena jiniiquiin cana rai jataain neliteinneein ne.

¹² Inae nacoauneein jelaiha ii rene cauhane coina letoaanu. Atiin canu coaraaine rijijieein nii coaraain neeu.

¹³ Cana Coaunera ere beebejihanune coreniha, cau caresero cuhane nihanune jaunne, iineein nenaas rijijieein canuhacha latei icharaneein nihane coina, cau canu aina nihane jereeun niqui.

¹⁴ Nena jereneeine coataa aihane jereneeun. Nabana canu ii caje bajaanune jaauncha jereeine coataa, ii suujua caje coauneein jereeine jerichaaunne jaun.

¹⁵ Jerihane ena chabana satonoelanaala ii aina nihane coinate, ii caje amuhin nelu- nii ii letono Onesimo. Nete inae naineneei ii letono siriine rijijieein siriine.

¹⁶ Raujiaain ii letono siriine amuritoheriin, ii nejeraneei teein belaain coaraau. Jataaina bellaain coaraaun canu. Nete nii amuritoheriin joaenreein catcha rijijieein coaraelanaala, Cana Curuaanaa Jesocurisito coreniha, ii nejeraneei teein coaraaine caohachae.

¹⁷ Aihane jaun canaacha esenetai coreniha ii nejeraneein canu coaraain neeine, nii canu coaraain neeine rijijieein acaaentonai coaraain raau.

¹⁸ Ichei chatohaneein baaso ichaain, ichei rebequiin, naaonjoaain nihalune canu cobaraau coreniha.

¹⁹ Canuna Faboroneein ichei aitiin caraajeni-hane caa laenaau. Nii ichei aitocoaaunne rijijieina, canu ichei coretereeuni. Nainichaau niqui canu que ijiberee coreniha rebeeoquine coaaucuaaunñe.

²⁰ Aihara canejera. Cojuriu Jesocurisito cacha-neein nenaatocohaneein caa ichei bajaanune rijijieein atiin ichaain, Jesocurisito coreniha cane- jeraneeine jaun canu suujua nunaau.

²¹ Canuhacha bajai amuritoheriin ichariquiin quere tonoraaine esenetaanune jaunne caa ichei aitiin laenaau.

²² Nii choae tacaainechu turuhanune jaanu rucuhequine jereeun, caresero cuhane nihanune jaun, cacoreniha bajaaebajaaequichene tonoraain, inara coaraa uhanune jererichaain Cana Coaunerane cohajihanune jaun.

Ii coaaucuruha raotojoeein neeu.

²³ Jesocurisito coreniha caresero cuhane canu
aina nenaas Efaforasite ii coacue.

²⁴ Chaen Maroco, Arisitaroco, Demasi,
Locasi, naaonjoainuri canu coroatajaneraneein
nenacaaurute ii coaacure.

²⁵ Cana Curuaanaa Jesocurisito jeelai amurito-
heriin inara coroatajanemiin.

Cana Coaunera Ere New Testament in Urarina (PE:ura:Urarina)

copyright © 2008 Wycliffe Bible Translators, Inc.

Language: Urarina

Translation by: Wycliffe Bible Translators, Inc.

Urarina [ura], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Urarina

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
b7ea44d4-3dbd-507b-9a19-256b56fe9b07